

31 《大乘無量壽經解》
光明徧照第十二
壽眾無量第十三
寶樹徧國第十四
菩提道場第十五

佛陀教育基金會 假日佛學院
2025 年 12月 13日

南無本師釋迦牟尼佛（三稱）

（開經偈）

無上甚深微妙法

百千萬劫難遭遇

我今見聞得受持

願解如來真實義

二、正宗分

一、彌陀因地・殊勝願行

二、 極樂依正 清淨莊嚴	總說	依報	國土嚴淨第十一
		正報(主)	光明徧照第十二
			壽眾無量第十三
	別明	依報	第14~17品
		正報(伴)	第18~19品
		依報	第20~21品

三、三輩往生・菩薩禮供

四、二土欣厭・重重誨勉

五、得失雙辨・攝聖顯智

【光明徧照第十二】 經文 (1/2) (夏會本)

(1) 首讚彌陀光明之獨勝，十方諸佛所不能及。

佛告阿難：阿彌陀佛威神光明，最尊第一。

十方諸佛，所不能及。徧照東方恆沙佛刹。

南西北方，四維上下，亦復如是。

若化頂上圓光，或一二三四由旬，或百千萬億由旬。

諸佛光明，或照一二佛刹，或照百千佛刹。

惟阿彌陀佛，光明普照無量無邊無數佛刹。

(2) 顯光明之因勝，本其前世求道所願功德得之。

諸佛光明所照遠近，本其前世求道，所願功德大小不同。

至作佛時，各自得之。自在所作，不為預計。

阿彌陀佛，光明善好，勝於日月之明，千億萬倍。

光中極尊，佛中之王。

【光明徧照第十二】 經文 (2/2) (夏會本)

(3) 顯十二光之勝名，一一各表佛之果覺功德。

是故無量壽佛，亦號無量光佛。

亦號無邊光佛、無礙光佛、無等光佛。

亦號智慧光、常照光、清淨光、歡喜光、解脫光、
安隱光、超日月光、不思議光。

(4) 顯光明妙用之殊勝 - 觸光安樂、解脫、往生。

如是光明，普照十方一切世界。

其有眾生，遇斯光者，垢滅善生，身意柔軟。

若在三途極苦之處，見此光明，

皆得休息，命終皆得解脫。

若有眾生聞其光明、威神、功德，

日夜稱說，至心不斷，隨意所願，得生其國。

【光明徧照第十二】 (26/31)

如是光明，普照十方一切世界。

其有眾生，遇斯光者，垢滅善生，身意柔軟。

若在三途極苦之處，見此光明，

皆得休息，命終皆得解脫。

若有眾生聞其光明、威神、功德，

日夜稱說，至心不斷，隨意所願，得生其國。

右段是本品之四，顯彌陀光明妙用之殊勝。

是為第十四「觸光安樂願」之成就。

「其有眾生，遇斯光者」，

表佛光雖普照十方，無邊無礙。但以眾生根性不同，其根下緣劣者，喻如覆盆絕照，日光雖遍，但人覆盆於頂，則不見光明，故有能遇與不遇者。

【若有機緣・遇斯光者】 (1/3)

眾生「**遇斯光者**」：

- 1.有宿世善根福德因緣者方能得聞，**聞名、聞經**時即是蒙「佛光」照；
- 2.聞而**能信**，方能「**稱說**」 - 讀誦經文或稱念佛名。
- 3.信而能解、能發願，才願意「**至心**」、「**日夜不斷**」的**念佛**。
- 4.至心信樂而發願、而念佛，方可**臨終心不顛倒**、意不動亂，**蒙佛接引**，自在往生。

(聞思修、信願行) 如本書p.481:

「**真實念佛之人，皆是具緣遇光之人也。**」

【若有機緣・遇斯光者】 (2/3)

問：有人無「解」而能行，亦能受益，如何？

答：焉能無「解」而肯發願念佛？

須知「**解**」有宿世、今生不同，有淺、**深**不同；
若全無「解」，怎肯「信」而行持？

故知，**淺解**而行亦能**獲益**，
所謂「**若人散亂心，一稱南無佛，皆共成佛道。**」
更何況能念念在心、時時不忘，常常「**憶佛念佛**」，
此行常與佛願相應，豈可謂「**淺解**」？必然**獲益**矣！

【若有機緣・遇斯光者】 (3/3)

又，何謂「**深解**」？應有如下幾點：

- 1.真正認識瞭解**彌陀本願**，
 - 2.有絕對真實、堅固信心（**具足六信**），
 - 3.深切的求解脫心、道心，**發大菩提心**，
 - 4.了知**諸法實相**（中道第一義諦、如來藏性），
所謂「心佛眾生，三無差別」，深悟「一心」
本具「三千性相」、「具足無量清淨功德莊嚴」。
- 故知：「**解**」心之**深淺**，必定影響「**行**」之獲**益廣狹**。

【光明徧照第十二】 (27/31)

若有機緣，「**遇斯光者**」，則必獲如下之光益。

「**垢滅**」，《魏譯》為「**三垢消滅**」，

三垢即**貪瞋癡**之三毒。

「**善生**」者，《十住毘婆沙論》曰；

「**善根者，不貪不恚不癡，一切善法從此三生。**」

又《智度論卅》曰：「一切善法，皆從三善根生增長。」
是明「**垢滅**」則「**善生**」也。

又《魏譯》為「**善心生焉**」。

善心者，以**慚愧**之二法，及**無貪等**之三根，為**善之自性**。

與之相應而起之一切心、心所，名曰**善心**。

今約彌陀本願，則指對淨宗之真實信心也。

【光明徧照第十二】 (28/31)

「身意」，即身、口、意三業。

「柔軟」謂心柔和而隨順於道。

如《法華經》曰：「眾生既信伏，質直意柔軟。」
蓋此土眾生剛強難化。若「身意柔軟」，便易調服教化。

「三途」。途者，道也。三途者，火途、血途、刀途也。
小獄兼寒熱，大地獄唯在熱，從熱而言，

故地獄名為火途。畜生互相噉食，故云血途。

餓鬼常被馳逼，故名刀途。

惡趣眾生，在極苦處，蒙佛光照，其苦休止，
而得安息，故云「皆得休息」。

因佛本願曰：「見我光明，照觸其身，
莫不安樂，慈心作善，來生我國。」

【光明徧照第十二】 (29/31)

今此殊勝光益，正是此願之成就。

今云「**命終皆得解脫**」，正是願文中慈心作善、往生極樂之意。由上可見三途極苦之眾生，以見光故，尚能息苦，命終往生，故知彌陀願力，威光攝受之力，俱不可思議。

又《觀經》曰：「無量壽佛有八萬四千相，
一一相中，各有八萬四千隨形好。
一一好中，復有八萬四千光明。

一一光明，遍照十方世界念佛眾生，攝取不捨。」

又《般舟讚》曰：「不為餘緣光普照，唯覓念佛往生人。」

故知真實念佛之人，皆是具緣遇光之人也。

【光明徧照第十二】 (30/31)

望西師疏曰：

「問：人間行者，猶見光難。三途眾生，豈輒得見。

答：《心地觀經》云：

『以其男女追勝福，有大金光照地獄，
光中演說深妙法，開悟父母令發意。』

孝子追善，尚以如此。彌陀光益，豈唐捐乎！」

「若有眾生聞其光明……日夜稱說，至心不斷……」
此段指聞佛光明之德，日夜稱說者，亦皆「隨意所願，
得生其國」。《吳譯》曰：「善男子、善女人，
聞阿彌陀佛聲，稱譽光明。朝暮常稱譽其光明好，
至心不斷絕。在心所願，往生阿彌陀佛國。」

【光明徧照第十二】 (31/31)

今經言：「聞其光明、威神、功德」，
相當於《吳譯》之「聞阿彌陀佛聲」。

今之「日夜稱說，至心不斷」，相當於《吳譯》
之「朝暮常稱譽其光明好，至心不斷絕」。

今之「隨意所願，得生其國」，相當於《吳譯》
之「在心所願，往生阿彌陀佛國」。

《會疏》曰：「日夜稱說（彌陀光明），至心不斷，
是則生因也…。然則稱彼名號（彌陀聖號），
至心信樂，是日夜稱說義也。」

疏謂「日夜稱說，至心不斷」，成為往生淨土之因。
而信樂持名，亦是日夜稱說之義。

且信願持名是往生正因，故皆隨願得生也。

二、正宗分

一、彌陀因地・殊勝願行

二、 極樂依正 清淨莊嚴	總說	依報	國土嚴淨第十一
		正報(主)	光明徧照第十二
			壽眾無量第十三
	別明	依報	第14~17品
		正報(伴)	第18~19品
		依報	第20~21品

三、三輩往生・菩薩禮供

四、二土欣厭・重重誨勉

五、得失雙辨・攝聖顯智

【壽眾無量第十三】經文 (1/2) (夏會本)

佛語阿難：無量壽佛，壽命長久，不可稱計。

又有無數聲聞之眾，神智洞達，威力自在，
能於掌中持一切世界。

我弟子中，大目犍連神通第一，
三千大千世界所有一切星宿眾生，
於一晝夜悉知其數。

假使十方眾生悉成緣覺，一一緣覺壽萬億歲，
神通皆如大目犍連，盡其壽命，竭其智力，
悉共推算彼佛會中聲聞之數，千萬分中不及一分。

【壽眾無量第十三】 經文 (2/2) (夏會本)

譬如大海，深廣無邊。

設取一毛，析為百分，碎如微塵。

以一毛塵，沾海一滴。此毛塵水，比海孰多？

阿難：彼目犍連等所知數者，如毛塵水。

所未知者，如大海水。

彼佛壽量，及諸菩薩、聲聞、天人壽量亦爾，
非以算計譬喻之所能知。

【壽眾無量第十三】 (1/8)

本品顯三無量：

一、佛壽無量。二、會眾無量。三、會眾壽命亦復無量。
一者法身德也。二者大願普也。三者主伴如如，
真實不可思議也。

佛語阿難：無量壽佛，壽命長久，不可稱計。
又有無數聲聞之眾，神智洞達，威力自在，
能於掌中持一切世界。

佛告阿難：阿彌陀佛，壽命無量，
壽命之長久，實無法稱說，無法計算。

此上正為第十五「壽命無量願」之成就。

「又有無數聲聞之眾」乃第十六「聲聞無數願」之成就。

【有無數聲聞眾】

(魏譯)：

「**聲聞**、**菩薩**其數難量，不可稱說，神智洞達，威力自在，能於掌中持一切世界。」

(漢譯、吳譯) 諸**菩薩**、**阿羅漢**。

(宋譯)：

「無量壽如來，有如是百、千、萬……

如是無量無數**聲聞**之眾，譬喻算數數不能及。」

(唐譯)：

「無量壽如來，諸**聲聞**眾不可稱量知其邊際。」

【壽眾無量第十三】 (2/8)

「壽命長久，不可稱計」，表阿彌陀佛究竟法身，三際（過、現、未）一如，故壽命無量。復以大願獨勝，超越諸佛，故報身化身壽命亦皆無量。

佛壽無量故常覺眾生，佛願無極故應廣攝會眾，是以國中聲聞等亦復無數無量也。

「神智洞達」者，顯彼土會眾之神通智慧通達透徹。

《往生論》曰：

「天人不動眾（指極樂會眾），清淨智海生。」

《論註》曰：「皆從如來智慧清淨海生。」

故皆「神智洞達，威力自在」。

【壽眾無量第十三】 (3/8)

「神智」。「神」謂神通，「智」謂智慧。
此是兩字分舉。若合為一詞，則自在徹見事理之智慧。

「神」者，明也。此之智慧，神明無極者也。

「洞」者，究竟通徹。「達」者，通達無礙。

「威力自在」者，威神之力，自在無礙也。

「能於掌中持一切世界」，

深顯《華嚴》廣狹自在、一多相容、
事事無礙不可思議境界。

【壽眾無量第十三】 (4/8)

又《維摩經》亦顯掌中持世界之不可思議功德。

經云：「住不可思議解脫菩薩，斷取三千大千世界，
如陶家輪，著右掌中，擲過恆沙世界之外。
其中眾生，不覺不知己之所往，又復還置本處，
都不使人有往來想。而此世界本相如故。」

又「菩薩以一佛土眾生，置之右掌。
飛到十方，遍示一切，而不動本處。」

極樂大眾，悉具如是不可思議威神功德，
深顯聖眾莊嚴，主伴功德均不可思議。

【維摩經】

《維摩詰所說經》卷2〈不思議品第六〉：

「住不可思議解脫菩薩，斷取三千大千世界，……而此世界本相如故。…又菩薩以一佛土眾生置之右掌，飛到十方遍示一切，而不動本處。」

太虛《第七編 法界圓覺學》卷4：

「玄奘法師亦至天竺，曾造維摩之室。睹此小室，頗懷疑經說之非事實，擬題維摩室壁，申述己意。詎濡毫向壁欲書，而壁與身終距離而莫能近，捉摸不得，幾於終日，仍不曾寫著一字。玄奘擱筆稱歎維摩詰應跡所遺，尚不可思議若此，其在當世之時現神通力，更可想見矣！疑團從茲頓解。」

【壽眾無量第十三】 (5/8)

我弟子中，大目犍連神通第一，三千大千世界所有一切星宿眾生，於一晝夜悉知其數。

右數句，獨標目連功德，舉以為喻。知星宿數，見漢吳譯。《漢譯》曰：「摩訶目犍連，飛行四天下。一日一夜，遍數星知有幾枚也。」

假使十方眾生悉成緣覺，一一緣覺壽萬億歲，神通皆如大目犍連，盡其壽命，竭其智力，悉共推算彼佛會中聲聞之數，千萬分中不及一分。

右明聲聞無數。目連神通第一，假令十方眾生同具目連之神通，以畢生之時間，竭盡其智力，以共推算極樂聖眾之數，其所知者，未及彼土眾數千萬分之一。

【壽眾無量第十三】 (6/8)

譬如大海，深廣無邊。設取一毛，析為百分，碎如微塵。以一毛塵，沾海一滴。此毛塵水，比海孰多？阿難：彼目犍連等所知數者，如毛塵水。所未知者，如大海水。

「一毛」，言其微小也，更分為百分，則更小也。

「如微塵」，則極小也。

以此毛塵所沾得之水，喻所知之數。

其不知者，如大海水，以喻彼土聖眾其數無量也。

【壽眾無量第十三】 (7/8)

彼佛壽量，及諸菩薩、聲聞、天人壽量亦爾，
非以算計譬喻之所能知。

末段結合主伴。

教主壽命無量，國中一切大眾亦皆如佛壽命無量。

彌陀大恩大德，微妙難思。

帶惑往生者，一登彼土便無退轉，又復壽命無量，
故於彼土皆可於一生之中補佛位而證極果。

此土既多退緣，又以壽命不過百年，
故末法中億萬人修道罕一得道。

【壽眾無量第十三】 (8/8)

又《往生論》偈云：「正覺阿彌陀，法王善住持。」
佛壽無量，教化之眾無量，所教人民皆同補處菩薩，
故云善住持也。

又偈云：「如來淨華眾，正覺華化生。」
指彼佛會眾，皆於彌陀國土清淨蓮華中生，

(《註》云：)「皆從如來智慧清淨海生，」
亦即皆從彌陀自心中生也。

是故彼國人民，平等如佛，壽命亦皆無量，
一生補佛。可知極樂主伴悉皆莊嚴，功德成就。

【壽命同佛無量】

《淨土十要・彌陀要解》云：

「心性照而常寂，故為壽命。

今徹證心性無量之體，故壽命無量也。……

當知光壽名號皆本眾生建立。

以生佛平等，能令持名者，照與光融，壽同佛寂也。

（光明壽命同佛無異）」

二、正宗分

一、彌陀因地・殊勝願行

二、 極樂依正 清淨莊嚴	總說	依報・正報	第11~13品
	別明	依報	寶樹徧國第十四
			菩提道場第十五
			堂舍樓觀第十六
			泉池功德第十七
		正報(伴)	第18~19品
		依報	第20~21品

三、三輩往生・菩薩禮供

四、二土欣厭・重重誨勉

五、得失雙辨・攝聖顯智

【寶樹徧國第十四】經文（夏會本）

彼如來國，**多諸寶樹**。或純金樹、純白銀樹、琉璃樹、水晶樹、琥珀樹、美玉樹、瑪瑙樹，唯一寶成，不雜餘寶。或有二寶三寶，乃至七寶，轉共合成。根莖枝幹，此寶所成。華葉果實，他寶化作。或有寶樹，黃金為根，白銀為身，琉璃為枝，水晶為梢，琥珀為葉，美玉為華，瑪瑙為果。其餘諸樹，復有七寶，互為根幹枝葉華果，種種共成。

各自異行。行行相值，莖莖相望，枝葉相向，華實相當。榮色光曜，不可勝視。

清風時發，**出五音聲**。微妙宮商，**自然相和**。是諸寶樹，周徧其國。

【寶樹徧國第十四】 (1/6)

本品**重顯**極樂國土**依報莊嚴**。

七寶行樹，周遍其國，此諸寶樹，或一寶獨成，或多寶共作，樹皆整齊莊嚴，光色殊妙，隨風奏樂，音調和雅。此即**第四十「無量色樹願」**之成就。

「**水晶**」與**水精**同，梵語**頗黎**，又作**玻璃**，譯言水精，有紫白紅碧四色。

「**琉璃**」乃梵語，華言**青色寶**。此寶青色，一切眾寶皆不能壞。體堅色瑩，世間希有，故名為寶。

琥珀、**瑪瑙**，亦皆世間珍寶。

總之，**七寶皆借世物勉強為喻**，實則極樂一切萬物悉皆微妙奇麗，超逾十方，豈真似此濁世之俗物！

【寶樹徧國第十四】 (2/6)

又據《往生論》，
則此寶樹，顯國土莊嚴中，種種事功德成就。
論曰：「備諸珍寶性，具足妙莊嚴。」

樹是妙寶所成，是即「備諸珍寶性」之淺義。
深言之，蓋顯彌陀之性德。

一切妙寶皆彌陀性德所本具，
一一寶中備具一切珍寶之妙德。

「具足妙莊嚴」者，
淺言之乃下文中「榮色光曜」與「出五音聲」等義，
深言之，則一一寶樹皆是圓明具德也。

【寶樹徧國第十四】 (3/6)

各自異行。行行相值，莖莖相望，
枝葉相向，華實相當。榮色光曜，不可勝視。

前段表樹之質。 (質料)

右數句表樹成行，井然有序，光色明麗。 (外觀)

正《往生論註》中「莊嚴地功德成就」，

偈云「雜樹異光色」，

極樂國土地平如掌，雜色寶樹遍滿其國，

上覆寶網，下飾寶欄，皆表地莊嚴也。

【寶樹徧國第十四】 (4/6)

各自異行。行行相值，莖莖相望，
枝葉相向，華實相當。榮色光曜，不可勝視。

「各自異行」，表種種不同之寶樹各各依類成行。

「行行相值」，《四帖疏·定善義》曰：

「彼國林樹雖多，行行整直而無雜亂」也。

「實」者，《會疏》曰：

「實謂果實，不差其處(洽在其位)，故云相當。」

「榮色」，繁茂之形色。

「光曜」者，光明照耀。

「不可勝視」者，目不暇給也，

亦即五色繽紛、目光難辨之義。

【寶樹徧國第十四】 (5/6)

又《四帖疏・定善義》云：

「諸寶林樹，皆從彌陀無漏心中流出。

由佛心是無漏故，其樹亦是無漏也。」乃至
「亦無老死者，亦無小生者，亦無初生漸長者。

起即同時頓起，量數等齊。何意然者，**彼界位
是無漏無生之界**，豈有生死漸長之義也。」

準上之義，則彼國寶樹，**皆阿彌陀無漏心中所流出**，
無有老死，亦無遷變，故無初生與漸長之相。

彼土是無生之界，故林樹亦住無生，亦是無量壽。
有情無情，平等一味。囿圖是個不可思議。

以不可思議故，如下所云，樹出妙音，自然相和。

【彼界位是無漏無生】

《釋淨土群疑論》卷1：

「問曰：極樂世界既許凡夫得生，未知，
為是有漏土？為是無漏土？」

釋曰：如來所變土，佛心無漏，土還無漏。

凡夫之心未得無漏，依彼如來無漏土上，
自心變現作有漏土而生其中。

若約如來本土而說，則亦得名生無漏土。

若約自心所變之土而受用者，亦得說言生有漏土。

雖有漏，以託如來無漏之土而變現故，
極似佛無漏，亦無眾惡過患。」

【寶樹徧國第十四】 (6/6)

清風時發，出五音聲。微妙宮商，自然相和。
是諸寶樹，周徧其國。

《會疏》曰：「無漏清淨風，故云『清風』。
……應時而吹，故云『時發』」。

「五音聲」者，指宮商角徵羽之五聲。

此五聲可攝一切音聲(此五聲乃中國古代樂律之本，
再加變宮、變徵為七聲。即現代音樂之七聲。)

「微妙宮商」，以宮商代表一切音聲，悉皆「微妙」。

「相和」者，相應也。《會疏》曰：

「願力所成，不藉鼓吹，故云自然相和。」

樹出和聲，顯極樂世界一草一木悉皆圓明具德也。

【出五音聲】

唐代淨土宗四祖法照大師

根據《無量壽經》而建立「五會念佛」。

《淨土五會念佛誦經觀行儀卷中·下》卷3:

第一會時除亂意，第二高聲遍有緣，
第三響颺能哀雅，第四和鳴真可怜，
第五震動天魔散，能令念者入深禪。
五會聲中十種利，為令學者用心堅，
妙音五會摩尼寶，能雨無邊聖法財，
智者必須依此學，臨終一念坐蓮臺。

宮	商	角	變徵	徵	羽	變宮
(do)	(re)	(mi)	(fa)	(sol)	(la)	(si)

【圓明具德】

『主伴圓明具德門』：

諸法相即相入，成一大緣起。

所以隨舉一法即可為主，餘一切法悉可為伴，周匝圍繞，無雜無礙，故云『主伴圓明』。

諸法雖互有主伴之別，而不壞差別之相，相依相成，一體無礙。彼此隱顯，主伴交輝；一多攝入，連帶緣起，故云『具德』。

十方諸佛、菩薩，互為主伴，重重交參，同時頓唱圓教法門，所說法門稱性極談，具足眾德。若能圓明了知，不僅佛菩薩如此，凡觀任一法，皆圓融無礙具足無盡功德莊嚴相。

二、正宗分

一、彌陀因地・殊勝願行

二、 極樂依正 清淨莊嚴	總說	依報・正報	第11~13品
	別明	依報	寶樹徧國第十四
			菩提道場第十五
			堂舍樓觀第十六
			泉池功德第十七
		正報(伴)	第18~19品
		依報	第20~21品

三、三輩往生・菩薩禮供

四、二土欣厭・重重誨勉

五、得失雙辨・攝聖顯智

【菩提道場第十四】 經文 (1/2) (夏會本)

(1)顯樹之廣大莊嚴

又其道場，有菩提樹，高四百萬里，
其本周圍五千由旬，枝葉四布二十萬里。
一切眾寶，自然合成，華果敷榮，光暉徧照。
復有紅綠青白，諸摩尼寶，眾寶之王，以為瓔珞。
雲聚寶鏤，飾諸寶柱。金珠鈴鐸，周匝條間。
珍妙寶網，羅覆其上。百千萬色，互相映飾。
無量光炎，照耀無極。一切莊嚴，隨應而現。

(2a)顯樹之妙德難思：演說妙法

微風徐動，吹諸枝葉，演出無量妙法音聲。
其聲流布，徧諸佛國。清暢哀亮，微妙和雅。
十方世界音聲之中，最為第一。

【菩提道場第十四】經文 (2/2) (夏會本)

(2b)顯樹之妙德難思：真實之利

若有眾生，覩菩提樹。聞聲，嗅香，嘗其果味，觸其光影，念樹功德，皆得**六根清徹**，無諸惱患。住不退轉，至成佛道。復由見彼樹故，獲三種忍：
一音響忍。二柔順忍。三者無生法忍。

(3)顯彌陀願力，舉果明因

佛告阿難：

如是佛剎，華果樹木，與諸眾生，而作佛事。
此皆無量壽佛，**威神力故，本願力故。**
滿足願故，明了、堅固、究竟願故。

【菩提道場第十五】 (1/20)

此品中之菩提樹，即**第四十一願中之道場樹**。
品中**先**顯樹之廣大莊嚴，**次**顯樹之妙德難思，
末顯彌陀願力，舉果明因。

「**道場**」。此有**五義**：

一、指釋尊於印度菩提樹下**成道之處**，名曰道場。

二、指**得道之行法**，如《維摩經》曰：

「直心是道場。」

三、**供佛之處**，稱為道場。

四、**學道之處**，《維摩經肇註》曰：

「閑宴修道之處，謂之道場也。」

五、隋煬帝時以為**寺院之名**。詔改天下諸寺，皆名道場。**今經所云道場**，是**第四義**，**修道之處也**。

【菩提道場第十五】 (2/20)

「菩提樹」，據《西域記》曰：即畢鉢羅樹。
佛坐其下成等正覺，故名菩提樹。譯為道樹，或覺樹。
佛在世時，樹高四百尺，後屢經殘伐，猶高四五丈，
是為此世界之菩提樹。

今經云彼土樹高四百萬里。或以《觀經》中
「佛身高六十萬億那由他恆河沙由旬」，
則顯佛高樹低，量不相稱。實則此亦無礙。
種種說量，皆隨眾生機宜，故不拘於一格。
且此經舉體是事事無礙不可思議境界，
此處高低縱然有異，若達廣狹自在之玄門，
則洽入一切無礙之法界。

【菩提道場第十五】 (3/20)

「一切眾寶」下，顯菩提樹之莊嚴。

「自然合成」，表彌陀大願大力之成就。

自然如是，不假造作。

「敷」者開顯。「榮」者，繁盛明麗，

「暉」同輝。意為此樹亦是一切眾寶自然合成，
是故華果繁茂秀麗，光明普照。

「復有」下，顯樹上之莊嚴。

《往生論》偈言：「無量寶交絡，羅網遍虛空。
種種鈴發響，宣吐妙法音。」

正與此處經文相應。

經中瓔珞、寶柱、寶網，皆樹上空中之莊嚴。

【菩提道場第十五】 (4/20)

「雲聚寶鎖」。

鎖即鎖，此處指建築物中相鈎連之結構。

「雲聚」者乃寶之名。

如《唐譯》曰：「有師子，雲聚寶等，以為其鎖。」

故知雲聚寶鎖，即以雲聚寶所成之鈎連結構也。

「寶柱」者，

《宋譯》云：「彼佛國土有種種寶柱，皆以百千
珍寶而用莊嚴。所謂金柱、銀柱、琉璃柱、
玻璃柱、真珠柱、磲磔柱、瑪瑙柱。」

復有二寶乃至七寶共成之柱。

如是寶柱，飾以瓔珞以及寶鎖。

【菩提道場第十五】 (5/20)

「金珠鈴鐸」。

「金」者，純金，「珠」者，真珠。

「鈴」者，金屬之鈴，形似鐘而較小。

「鐸」者，指鈴中之木舌，用以擊鈴使發聲。

鈴與鐸皆妙寶所成，流出妙音。

以上四者遍懸於菩提樹枝條之間，

故云「周匝條間」。

「珍妙寶網」者，《唐譯》曰：

「又以純金、真珠、雜寶鈴鐸，以為其網。」

故知寶網亦由金珠鈴鐸之所成，故云珍妙。

「羅覆」者，「羅」指開張羅列，「覆」指覆蓋。

如是寶網，蓋覆菩提樹上，故云「羅覆其上」。

【菩提道場第十五】 (6/20)

寶珠放光，「百千萬色」。如《觀經》曰：

「一一寶珠有千光明，一一光明八萬四千色。」如是一一妙色互相輝映，彌增光麗，故曰「互相映飾」。

「炎」者，火光向上也。故「光炎」即光耀也。一一珠有千光明，今有無量寶珠，故曰「無量光炎，照耀無極」。「無極」者，無有極限。

「一切莊嚴，隨應而現」者。

《箋註》云：「如來慈悲善報所現。故應眾機，現大小長短，一寶二寶乃至眾寶等，無不適意故也。」如是妙現，普應群機，變化不拘，一一圓妙，全顯事事無礙。

【隨應而現】 (1/2)

淨空和尚：

「如是妙現，普應群機」，群機，是十方無量無邊諸佛剎土裡面念佛往生極樂世界的這些眾生，在極樂世界沒有一樣不是稱心如意。

「變化不拘，一一圓妙」，變化不拘就是

「出生無盡」，六祖惠能大師《壇經》說：

「何期自性，能生萬法」，意思完全相同。變化是隨著我們起心動念，在彌陀本願加持下，每天聽經聞法，你起心動念都是正念，沒有邪念、邪思。

一一圓妙，妙就是不可思議，

圓是圓滿，是一絲毫缺陷都沒有。

【隨應而現】 (2/2)

阿彌陀佛能照顧到每一個人，而且照顧到無微不至。這是什麼樣的能力？自性本具的不可思議功德之力，還加上因地的大願大行，才有這樣殊勝的成就。

「**全顯事事無礙**」，《**華嚴經**》上講的四種無礙，理無礙、事無礙、理事無礙、事事無礙，在西方極樂世界**同居土**裡面都看到了，何況上三土。若是對極樂世界不認識、不了解、不透徹，你的願心生不起來，疑惑斷不了，對於這世間，牽腸掛肚的事情你放不下。如果透徹明白了，搞清楚、搞明白了，沒有放不下的事情，你真放下了！這一放下，功夫得力了，真的若一日到若七日，你就圓滿成就。

【菩提道場第十五】 (7/20)

微風徐動，吹諸枝葉，演出無量妙法音聲。
其聲流布，徧諸佛國。清暢哀亮，微妙和雅。
十方世界音聲之中，最為第一。

右顯樹能演說妙法，不可思議之益。

「妙法」者，第一最勝不可思議之法。

《法華玄義序》曰：「妙者，褒美不可思議之法也。」
風吹寶樹枝葉，所發音聲，演說不可稱量之微妙法音，
故云「演出無量妙法音聲」。

曇師曰：「此聲為佛事，焉可思議。」「佛事」者，
指諸佛之教化，亦即一切有益於佛道之事。通常以
祈福超薦等法會，稱為佛事。極樂國土，樹發音聲
能作佛事，故曇師讚為不可思議也。

【菩提道場第十五】 (8/20)

又此音聲，「清暢哀亮，微妙和雅」。

義寂云：「清者清淨，聞者不生濁染心故。

揚者宣揚，由能宣揚實相法故。

(彼本作「清揚」，今本是「清暢」。

暢者通暢，歡暢，能令聞者舒暢。

又具通曉之義，能令聞者通達實相法故。)

哀者悲哀，聞者能生大悲心故。亮者明亮、響亮，

又為透徹、顯露，由能開發智慧明故。

微者微密，其音微密如梵響故（梵天音樂）。

妙者妙善，其音妙善似鸞聲故。和者調和，音韻

克調，宮商和故。雅者雅正，其音雅正，順佛法故。」

上述音聲之德，非但於天中最高殊特，亦於十方世界
中最高第一，故云：「十方世界音聲之中，最高第一。」

【菩提道場第十五】 (9/20)

若有眾生，覩菩提樹。聞聲，嗅香，嘗其果味，
觸其光影，念樹功德，皆得六根清徹，無諸惱患。
住不退轉，至成佛道。復由見彼樹故，獲三種忍：
一音響忍。二柔順忍。三者無生法忍。

右顯樹作饒益，廣施真實之利。

眾生若有目見此樹，耳聞其聲，
鼻嗅其香，口嘗其果味，
身觸其光影，或意根憶念樹之功德，

如是眼、耳、鼻、舌、身、意六根，其中任何一根，
能緣此樹皆得不退、得忍、成佛之勝益。

【菩提道場第十五】 (10/20)

首云「皆得六根清徹」。

《會疏》釋曰：「耳根無垢為清。徹聽眾音曰徹。」

依此以例餘根，則眼根無垢曰清，徹見眾色曰徹。

乃至意根，則意根無垢曰清，徹了諸法曰徹。

六根各發勝智，皆得清徹，故曰「六根清徹」。

【六根清徹】

《楞嚴經》卷4：「**六根互用**」。

《法華經》卷6〈法師功德品19〉謂，善男子善女人或受持、或讀、或誦、或解說、或書寫《法華經》，可得八百**眼**功德、千二百**耳**功德、八百**鼻**功德、千二百**舌**功德、**八百身功德**、千二百**意**功德，以此功德，而使**六根**莊嚴、**清淨**。

《妙法蓮華經》卷6〈19 法師功德品〉：

「若善男子、善女人，受持是經，若讀、若誦，若解說、若書寫，得**八百身功德**。得清淨身、如淨琉璃，眾生悉見。……」

【菩提道場第十五】 (11/20)

「惱」者，《箋註》曰：「惱，心所名。小煩惱地法之一。（無明、放逸、懈怠、不信、惛沈、掉舉此六者，名為大煩惱地法。）謂自己因自身知惡事為惡事而不改，執著至飽（飽者，滿也），不用他人之諫言，但自懊惱煩悶也。又為二十隨煩惱之一。（貪、瞋、癡、慢、疑、惡見，名為根本煩惱。從根本煩惱流出者，名為隨煩惱）謂追想過去之行事，或由現在之事物不滿於意，自懊惱之精神作用也。」

又《唯識述記》曰：「煩是擾義，惱是亂義。」遠離惱亂之患，故曰「無諸惱患」。乃至得不退轉，直至成佛。故云「住不退轉，至成佛道」。

【菩提道場第十五】 (12/20)

下云見樹成忍，前遍舉六根，此獨云見者，
蓋標眼根以例餘根也。

此處見樹成忍正是**第四十一「樹現佛刹願」**
與**第四十七「聞名得忍願」**之所攝。

《會疏》釋云：

「仰惟道場樹者，正是正覺果滿之標幟也。

名號者，即是本願成就之實體也。

故願以聞名為得忍因，成就以見樹明其相。

(謂彌陀大願既已成就，則以見樹證明得忍之事相)

彼聞名，即道場樹之妙聲。(如《小本》曰：

「聞是音者，自然皆生念佛念法念僧之心。」)

此見樹，即阿彌陀之果德也。

以此況彼，聞名得忍益彌著明也。」

【菩提道場第十五】 (13/20)

總之，名號與樹，皆是果地大覺妙德之所顯，皆是圓圓果海、圓融具德，皆是清淨句、真實智慧無為法身，皆是「**真實之際**」，亦即是當人自性，故能有如是不可思議**真實之利**也。但名號則聲聞十方，普被三根，見樹則唯有神遊淨土，目瞻寶樹，方能獲益。兩者相比，則聞名得忍之益，更為顯著。故《會疏》曰：「以此況彼，聞名得忍，益彌著明也。」

「**得忍**」。信難信之理而不惑為**忍**。

淨影云：「慧心安法，名之為**忍**。」

又《大乘義章十一》曰：「於法實相，安住為**忍**。」

《會疏》云：「智行增進，名**法忍**。」

【菩提道場第十五】 (14/20)

「獲三種忍」者，《淨影疏》曰：

「尋聲悟解，知聲如響，名音響忍，三地已還。

捨詮趣實，名柔順忍，四五六地。

證實離相，名無生忍，七地已上。」

其意謂，聞法悟道，知一切法，如聲之回響(回音)，如夢幻泡影，名音響忍，是別教三地以下之菩薩所得。

捨離言詮，趣入實相，名柔順忍，

是四五六諸地菩薩所得。

若證入實相，離一切相，名為得無生法忍，

則在七地菩薩以上。

【如聲之回響】

《華嚴經探玄記》卷15：

「如實無響塵，而顯現可聞。

言說事亦爾，實無所有，而顯現可聞。

此經意有三義：一知一切法如響、
二知佛聲如響、
三能以如響言音而為說法。

二開義者，響亦有五義：

一空谷、二有聲、

三聲擊空谷便有響應、

四此響非有而有、五愚小謂有。」

【菩提道場第十五】 (15/20)

又《彌陀疏鈔》曰：

「無生忍，略有二種：一約法，二約行。

約法，則諸無起作之理，皆曰無生。慧心安此，故名為忍。

約行，則報行純熟，智冥於理，無相無功，

曠若虛空，湛若淨海，心識妄惑寂然不起，方曰無生。

前說猶通諸地，後唯八地所專。」

故知淨影疏中之無生法忍，

即《彌陀疏鈔》中約行之無生法忍。

故淨影師謂為七地以上，蓮池師指為八地，兩說無違。

又《仁王經》亦謂無生忍在七八九地。

（至於餘師異說，茲不具錄。）

【報行純熟】

《華嚴經探玄記》卷9：

「以由修起，名為報行成熟。

在此無功任運，成諸勝行，故云純熟。…

無相者，不為相所動也。

無間者，以無相觀恒現前故，不為煩惱所動也。」

八地以上之菩薩，無須再藉加功用行，

三界煩惱，永不現行，自然功德增進，

則稱『無功用地』，純無漏道任運起故。

十地經論・無功用行之階位

十地	初地	二地	三地	四地	五地	六地		七地	八地	九地	十地
空・有	空有難並觀				空有能並觀						
有相 無相	有相觀多 無相觀少					有相觀少 無相觀多		純無相觀			
有功用行 無功用行	有功用行								無功用行		
備註	天台宗別教初地以上及圓教初住以上為無功用										

【菩提道場第十五】 (16/20)

本經三忍，以**音響忍**為首，**柔順忍**次之，異於《賢劫經》（**先柔順忍**，**後響忍**），而同於《華嚴十忍品》及《如來興顯經》。

《舊華嚴經》十忍為：

「**(節錄)**一者**音聲忍**。二者**順忍**。三者**無生法忍**。四者如幻忍。五者如焰忍。六者如夢忍。七者如響忍。八者如電忍。九者如化忍。十者如虛空忍。」

其初三忍，全同本經。

又〈**十忍品**〉曰：

「若聞真實法，**不驚不怖不畏**，信解受持，愛樂順入，修習安住，……是為菩薩摩訶薩**第一隨順音聲忍**。」

即是**音響忍**也。

【賢劫經・三忍次第】

《賢劫經》卷1〈4法師品〉：

「六度已達，得柔順忍，
已逮斯忍，名曰第二。

第三響忍，解一切響本悉空寂，
三界之音皆虛無實，無一真諦。

以了是義，因斯漸入無所從生法忍。
悉暢三界皆無根本，五趣無元。
了斯慧者，乃逮無所從生法忍，
入諸所生心無所生。」

【菩提道場第十五】 (17/20)

又曰：「此菩薩隨順寂靜，觀一切法平等正念，不違諸法，隨順深入。一切諸法清淨，直心分別諸法。修平等觀，深入具足……是為菩薩摩訶薩**第二順忍**。」
此即**柔順忍**也。

又曰：「此菩薩，不見有法生，不見有法滅。何以故？若不生則不滅，若不滅則無盡，若無盡則離垢，若離垢則無壞，若無壞則不動，若不動則寂滅地。……是為菩薩摩訶薩**第三無生法忍**。」

簡言之，則安住於不生不滅真如實相之理體，謂之**無生法忍**。見菩提樹能獲如是功德，深顯彌陀願力不可思議。

【隨順音聲忍】

不驚	不怖	不畏
聞無相 解遍計無所有故	聞無生 解依他必無生故	聞無性 解真如無性性故
聞有 無所有	聞空 無所有	聞二 無所有
聞真空法 信解、受持	思真空法 愛樂、順入	修真空法 修習、安住

《華嚴經・十忍品》：若聞真實法，不驚不怖不畏，信解受持，愛樂順入，修習安住，是為第一隨順音聲忍。

【順忍】

隨順寂靜 觀一切法	創修止觀	止行順寂 觀照諸法
平等正念 不違諸法	止觀漸次	止行堅固 觀照隨緣
隨順深入 清淨直心	止觀純熟	止行深玄 觀行深玄
修平等觀 深入具足	止觀俱行	即止之觀 即觀之止

《華嚴經·十忍品》：隨順寂靜觀一切法，平等正念不違諸法，隨順深入一切諸法清淨直心分別諸法。

修平等觀深入具足，是為第二順忍。

【無生法忍】

不生・不滅	非斷滅無,故云不滅	既本不生,故無可滅
無盡	理無限盡	行無斷盡
離垢	入理不滯寂	隨事恒無念
無壞	入理不壞事	隨事不壞理
不動	雙融二諦	一念不動
寂滅	通境行故	
離欲	離種現故	
無行	斷能所故	
大願	願不沒寂	願能應機
住莊嚴	理行相嚴・方為究竟	

《華嚴經・十忍品》：佛子！此菩薩不見有法生，不見有法滅。何以故？若不生則不滅；若不滅則無盡；若無盡則離垢……是為菩薩摩訶薩第三無生法忍。

無生法忍之修行階位

無量壽經
三忍

音響忍・柔順忍・無生法忍

仁王經
五忍

伏忍・信忍・順忍・無生法忍・寂滅忍
(三賢・一至三地・四至六地・七至九地・十地及佛地)

華嚴經
十忍

音聲忍

順忍

無生法忍

如幻忍

如焰忍

如夢忍

如響忍

如影忍

如化忍

如虛空忍

無生法忍

天台：圓教初住，別教初地，開始分斷無明分證法身。
華嚴：七地修圓滿之後，入無生法忍境界，躍生八地。

【菩提道場第十五】 (18/20)

佛告阿難：

如是佛剎，華果樹木與諸眾生而作佛事。

此皆無量壽佛威神力故、本願力故、滿足願故，
明了、堅固、究竟願故。

佛告阿難，極樂世界如是希有，不可思議，
花果樹木皆作佛事，增長有情殊勝善根，
令人得忍，證入無生；其因端在彼佛果德威神之力，
與本願滿足、明了、堅固、究竟之力也。

《淨影疏》曰：

「皆無量壽佛**威神力**者，由彼如來現在威力，故**獲三忍**。
本願力者，由其過去本願之力，故**獲三忍**。」

【菩提道場第十五】 (19/20)

本願是總，餘四（滿足、明了、堅固、究竟）是別。

滿足願者，願心圓備。明了願者，求心顯著。

堅固願者，緣不能壞。究竟願者，終成不退。

此願故，生彼國者悉得三忍。」

又滿足願者，義寂、憬興均謂「四十八願，無闕減故。」

明了願者，義寂、望西謂「明慧共相應故。」（此勝淨影

憬興謂「求之不虛故。」（此同淨影）

堅固願者，義寂云「無退精進所成就者」。

究竟願者，義寂、望西俱謂「期盡有情法界際故。

（度盡法界一切有情）」

諸說宜合參。

【菩提道場第十五】 (20/20)

又**本願力**者，《往生論》曰：

「觀佛本願力，遇無空過者。
能令速滿足，功德大寶海。」

《論註》曰：

「依本法藏菩薩四十八願，今曰阿彌陀如來自在神力。
願以成力，力以就願，願不徒然，力不虛設。
力願相符，畢竟不差。」

依法藏菩薩之本願，乃有今日彌陀如來之神力。
以彌陀因中發聞名得忍之願，以願力故，成就極樂
見樹得忍之殊勝功德成就。由願生力，因力願成，
故曰「**此皆無量壽佛，威神力故、本願力故**」。
令見樹者，悉得無生法忍，頓證**八地菩薩**。

【威神力與本願力・獲三忍】

威神力故		由彼阿彌陀如來現在果德威力
法藏菩薩本願力故	滿足願故	願心圓備，四十八願，無闕減故。 (一一願皆圓滿成就)
	明了願故	求心顯著，求之不虛，明慧共相應故。 (住真實慧故)
	堅固願故	緣不能壞，無退精進，所成就者。 (順逆境緣中不退精進)
	究竟願故	終成不退，期盡有情，法界際故。 (度盡法界一切有情)

雪廬老人淨土詩偈

憐君局隘囿山丘
不識逍遙天外遊
樂鳴風樹心開悟
蓮海香薰石點頭



迴向偈

願以此功德，莊嚴佛淨土。

上報四重恩，下濟三塗苦。

若有見聞者，悉發菩提心。

盡此一報身，同生極樂國。